

桂

軒

藁

桂軒藁卷之二

奉議太常寺丞兼翰林侍講經筵講讀官廬陵宣溪居士書
賜進士奉議大夫戶部郎中南溪劉忠評
賜進士江西南昌府進賢縣知縣門生吳璉編次
賜進士江西臨江府新淦縣知縣門生廬淵校刊
七言古詩

東山居士為何良貴賦

東山之地鍾精靈眼中景物兼赤城老松倒浸石欲
墜小溪新漲橋已平斯人愛此結幽契偃仰十載無
逢迎心源落落絕一籍詞鋒燁上摧五兵既非是甘

泉石又不為薄公卿胡為久此岩之高信知我生皆有命區區寵辱何足驚一朝持鐸樂安去嗟哉吾道斯大鳴君不見晉朝謝安石惔然一起慰蒼生

禮闈下第有作

挾策觀光上國來

紉細柳東風催馬蹄

天墀滿擬萬言獻日華豈料五色迷潞河歸舟蕩輕槳一路風光亦奇賞
杏苑來春依舊紅馬首何須更惆悵

殿試後作

吾曹草茅士何幸逢亨嘉春風叨奏禮闈捷

臨軒制策頌黃麻

彤墀獨對日正午萬言走筆如龍蛇登名龍虎榜致身

帝王家官守於我有言責於我加敢道春風得意馬蹄疾一日看盡長安花思民何道底溫飽致

君何術如重華寄言我輩新即君東塗西抹非所誇送鮑惟德任袁州經歷

當時三獻荆山璞不意良工竟遺落故人已總內臺

綱李都堂時先生始入袁州幕人生賦命有疾遲盡心

莫問官崇卑君今在政黃堂上須念問閭赤子飢

恩賜寧親卷為湯文幾賦

君不聞曾參養親志區區口體何足數又不聞徐庶
方寸亂蜀漢功名棄如土吾

皇大孝八極御人人曾參與徐庶看君終日懸孝思
詔許寧親五羊去行行且莫遲車輪倚門斜日愁正
殷君量越水幾千尺試比親恩誰淺深秋風到日邊
庭闈菜衣戲舞稱金卮勸君努力繼前哲應媿人間
不孝兒

梅文淵南還病目不及送因書此遺之

吾兄復

命歸南臺自咲病目不能開邂逅無因一餞送都城
祖席孤離杯百年會合知有幾紅顏白髮恒相催浮
世難逢此開口不但離索令心哀臨歧顧我良獨厚
議論慷慨開余懷已而揖我便分手蒼忙上馬揚鞭
回帟矣源清老鄉友卓哉敦實真吾儕千里煩君一
致意情長紙短書難裁鍾山淮甸青且碧錦囊賦詠
多佳哉南都十月想已到好音多寄雙魚來

大同歌

燕冀密并旱何甚赤地千里皆無禾邊儲祿米兩相
併郡縣走帖頻催科况聞開邊事窮黷漢兵遠過秦

乾河又聞築城萬夫役怨號無乃傷天和匪緣胡虜
寇邊急自是吾人生事多城中軍民竭膏血帳下供
給如山阿憤來便欲叫閭闔
皇穹不鑒將如何

題大同守山水圖

雲中太守才且賢循良乃為諸郡先郡中百事稍閑
暇登高眎目窮幽燕盡將冀北好山水寫入圖畫俱
清妍老樹婆娑碍紅日群峯屹兀撐青天石田茅屋
忽遠近小橋流水長清連行人不到青山下歸鳥爭
鳴綠樹巔不數王家輞川景虛傳秦世桃花源郡齋

坐對日怡悅彷彿身在泉石邊
粵南山水亦不惡我
曾登眺思當年興來拉我二三友
朝遊羅浮暮廉泉
自從作官走朝市紅塵紫陌相周旋
無復登臨此山
水有時夢見還宛然坐中偶見此圖畫
主人索我山
水篇茫然袖手久不就将成援筆心憂煎
十年苦被
此官縛驅車走馬何時旋
安得振衣羅浮萬仞表
投竿珠海千尺前

冀北春陽歌為楊繡衣賦

柱史芳年四十強
勇冠高聳立朝堂
皇囊滿貯三春澤
白簡仍飛六月霜
乘駟不數漢桓典
埋輪復見今

張綱

奉天殿前

天子命手提繡斧巡朔方朔方萬物久顛顛閭閻赤
子多瘵瘡自從君來按節後三邊山岳皆輝光况聞
九達走狐兔又聞四野無豺狼屈者伸兮冤者白惟
刑之恤心虞唐窮簷暗室迴白日陰崖寒谷生春陽
看君今日已如此何况他日登岩廊春陽定作商霖
雨足慰天下蒼生望

凱歌為陽和周參將作

征北將軍才且雄不忝乃祖公瑾風妙齡智勇未四

十博窮六籍玄微中古來文武有吉甫三代而下諸
葛公後來文武似亦少將軍今日追其蹤投壺雅歌
差可擬輕裘緩帶將無同朔方邊城羽書急威寧海
子狼烟紅一朝

天子親推轂特簡將軍衝鋒敵身著鐵衣凌雪色手
提金劍動蛟龍渴心欲飲胡兒血奮身便掛天山弓
犬羊旋斃箭鋒下驅除如在破竹中隼輪疋馬不得
返犁庭掃穴胡巢空向來奏凱論功賞

帝命將軍參五戎將軍之功未可量會當百代公侯
封能令諸軍樂耕耨坐見萬里無烟烽鳳凰池裡受

爵賞麒麟閣上圖形容族誅剋溪藤禿殺毛穎翁不
足盡紀將軍功不足盡紀將軍功

遊靈隱寺

故人邀我遊靈隱酒清教美情亦濃天晴風暖恣清
賞水曹仙子同從容千山萬山聳奇石五里十里皆
青松浣手愛汲西溪水振衣直上飛來峰冷泉亭上
步蒼蘚呼猿洞口詢支公主人携酒任所之飄飄身
世如仙縱十年奔走京洛塵見說此地如夢中豈知
奉使此一覽乾坤萬古雙眸空我觀勝地復有幾羅
浮五老相爭雄人生百年似風燭幾回勝槩能相逢

紅塵坐洗三萬斛便覺雨暝生清風主人愛客興未
已開尊席地令澗東三酌五酌復十酌主賓顏色生
春紅老僧知戒亦酩酊木犀香茗時時供疎林落日
返飛鳥隄山遠寺聞昏鐘半醒半醉辭主人有興快
快還匆匆涼風吹面酒復醒收拾此景來詩筒憑誰
喚起駱賓王天香桂子詩尤工

劉評流麗可愛

半山為張山人賦

吳山錦繡開屏幔四時佳氣更回換此中風景似羅
浮却被君家分一半高居割據勢頗雄虎丘西峙山
塘東米芾籬落將郊迤幾句踏月無臨風山鳥山猿

作吾友門外春風散花柳狂來北郭輒放歌客至南
隣便沽酒丞相金陵亦半山致君心事將無閑山林
鍾鼎各有趣莫問區區出處間

金臺話舊卷為張繡衣賦

自古濟南名士多我聞杜老詩中語張劉蘇柴齊魯
英卓瑩文章百夫禦昔年蚤結青雲交死生窮達心
相許磨礪事業期聖賢十載青燈共寒暑天公賦命
有疾徐紫帶青袍各儒侶焉知來者不如今或者皇
天庸玉女一朝聚首黃金臺旅館張燈具雞黍開尊
共話曩昔時竟夕連床聽風雨素心不負共通情百

歲婚姻結男女人生邂逅且盡歡相逢何必問出處
出門跬步即胡越况復東西路脩阻丈夫離合信有
時不用區區動淒楚始終願保金石期長把音書托
雙鯉

說得人生離合處痛切感慨係之矣

送徐都堂詩

先生三十登黃甲英俊群中獨眉白青春筮仕秋臺
郎折獄片言聲翕赫西江佐憲知幾年秋霜肅處涵
春澤楚臺長憲庭無冤復向西江作方伯請看今日
百役均無論當時兩岐麥重名清望荷

主知天書曉出長安陌內臺網紀倍精神燕薊豺狼

欽踪跡飛騰始速千里蹄擊搏方張九霄翮去日追
思召伯棠他年尚愛萊公栢章江離別公莫論我輩
尊前且戲劇彼此去住各盡歡人生宇宙誰非客後
夜相思何處邊舉首西山看月色

送王太僕卿

章江門外春雨晴溶溶鴨綠新水生有客拂衣朝
帝闕官船暫繫章江亭傍人問我客若誰

天子近臣太僕卿九載循良二千石茲暨垣栢府俱蜚
聲

臨軒昨日簡才俊彩鸞鳴

詔來承明羨君之行如登仙惜君之去難為情同官
視我如骨肉和風甘雨春冥冥沙頭欲別未忍別僕
夫為我遲行旌三酌五酌復十酌尊前傾倒醉復醒
區區離別不足賦聊歌短述君須聽願君岩廊作柱
石致

君堯舜如虞廷

登孺子亭奉和趙繡衣韻

東湖雨濫湍流急北風日短寒鴉集湖水中央孺子
亭巍巍爭與西山岌我因公暇此登臨水色雲容正
交燭憶昔漢祚將云亡上下堂階無等級六陰迭蕩

孤鼎號三陽閉塞蛟龍蟄大厦一木難支撐黨錮諸
賢徒飲泣先生窺見此幾微白駒皎皎焉能繫養晦
韜光知幾人無忤當時稱角立牛醫兒亦堪比倫欽
頤子兮差可及三徵不起老南州數畝湖田一簞笠
平生厲志何辛勤不稼不穡寧絕粒輟耕蕭散無外
求坦腹長歌伐檀什感恩徒步太尉廬絮酒炙鷄曾
負笈下榻深知太守賢掉頭不肯侯門揖激愚起懦
聖人徒不學神仙事呼吸千古清風有如此蹈海休
誇魯連子

竹莊

麻丘老翁真不俗胸中渭川千頃綠
以不喜紅紫態結屋開軒種脩竹千竿萬竿成茂林風雨瀟瀟灑灑寒玉直幹偏凌冰雪多虛心不受烈日暑觸千年蔣翊同襟期不待詞人詠淇澳羅浮仙子秦大夫昨日書來期卜築樂哉此翁誰得知日憇清陰坦吾腹春風滿地長兒孫日報平安靡榮辱竹莊竹莊何其高回看俗子真碌碌

吊王宗周太守


二千石兮官不小五十餘兮壽非夭三雛雖少頗絕奇萬事足焉心亦了
我來不為死者傷乃知一死久

之常吊君知君亦瞑目有人後日繼書香

丁叅戎邀遊明山六祖寺

會昌河北明山清一方之鎮儲精英青蒼峻峭挿霄
漢無乃天造地設成上有千林喬木之翳鬱下有六
祖禪室之崢嶸寒泉瀑布幾千尺奔流入澗歸滄溟
登高胡不振我衣臨清胡不濯我纓元戎邀我此遊
賞况值公暇兼昇平主賓聯轡愜心賞四美具芳二
難并元戎韜畧更文雅執手相看如故情劒亦不須
按蓋亦不用傾酌我金陵琥珀之美酒薦我太官適
口之羊羹食我東南水陸之嘉果飯我冬春玉粒之

香粳投壺百罰不辭醉撫掌一咲俱忘形我日既云
邁而月亦斯征相逢不一醉徒咲三間醒明朝揖君
與君別觀風又向桃江行

通篇雄健結句尤脫灑

題松竹梅三友圖

徂徠老龍幾千尺飽歷風霜自朝夕淇園君子更孤
高羅浮仙人何潔白相逢便結歲寒盟丰姿雖異同
堅貞此心不為歲時改百年莫逆敦高情平生誤入
丁固林夢清標羞作伶倫用暗香疎影迥出塵一時
竄淪連詩重我生瀟灑嚴煩汚愛爾賢哉三丈夫箇中

着我便成四不識君輩能容無

嶺南百詠送卞式之歸毘陵

嶺南風景天下稀山水眼前真崛奇向來有客恣遊
賞可是毘陵卞式之振衣愛上番山秀尋仙再挹浮
丘袖波羅廟前春浪多粵王臺上風烟舊柳波涌頭
聽竹枝杏花村裡招酒旗寒翠亭留大蘇墨遠華樓
扁方孚詩朝漢臺荒走群鹿望海樓高送雙目崖門
吊古夕陽斜海珠艤棹春潮綠五仙樓閣齊斗箕九
曜碣石浮連漪濂溪院前拜周子白雲山上訪安期
西樵峯亦齊泰岱南華衣鉢知何代六榕僧暇類懶

殘三洲岩深足奇恠錦溪石無三品封白蓮池有雙
頭紅荔枝灣頭酌明月花林院裡聞晨鍾金牛山長
瞰江側松風閣與紅塵隔合江絕勝多景樓梅溪好
似孤山宅蘇仙井古誰濬源達磨泉深汲不渾菖蒲
生澗仙已去沉香棄水亭猶存羅浮奇絕不可述西
巖巖嶮誰曾入飛雲樓上待雲生浴日亭前觀日出
小金山似大金山勝地人誇黃木灣石屏臺古土花
紫翠竹菴深春晝閑劉王花塢花非故挹翠亭空誰
渡步堂緣後學思退之樓為君王問半度滴水岩垂

百尺簾

閣題

十萬篇

紅梅嶺

頭簇

車馬

白猿洞

口迷雲烟歌仙岩上招群雀小西湖邊洗雙脰月溪
春風花正濃石門斜日潮初落寺號飛來知有無亭
名通越失崎嶇忠襄遺廟草長碧文獻荒祠栢半枯
大通昨夜龍聽法寶陀誰夢僧飯客杯渡菴空春草
生鑒空閣前秋月白君歸毘陵興不孤我寫新詩作
畫圖約君重來續清賞嶺南嘉景無時無

憶荔枝

嶺南五月薰風吹荔枝初熟紅纍垂千樹熒煌照林
麓憶曾飽食為兒時君謨品爾為第一何乃昔賢比
尤物交南入獻永元時涪州取貢天寶日絳囊中累

白玉肌瓊漿一割甘如飴回看百果無顏色况復蒲
菊能擬之嗟彼美兮生嶺嶠可憐此味人知少千年
每恨妃子污一旦更遭側生誚蠲渴補髓堪延年故
園悵別路幾千感時撫景每憶汝飢腸餓喙長流涎
思尊客子浮歸舸我尚風波未回柁何年解組賦歸
來坦腹日餐三百顆

王評

句句有來歷

詠龍眼

荔枝龍眼真並驅大喬小喬兩名姝先生後生伯仲
耳胡為呼汝荔枝奴魏文珍異特有詔君謨遺落不
作圖秋風弱弱吹正熟枝頭萬顆驪龍珠黃餘包

乍擘破容色瑩潔滑膩膚百果羞縮不敢前玉液入口風味孤我欲薦之

九重備玉食又恐如漢十里一置五里一堠人馬俱斃長安衛寧教置身炎州幽側地不與楊梅盧橘爭獻承明廬獨不聞蘇子當年有至論蠻荒非汝辱幸免妃子污至今為汝數傳誦千載一洗旁挺誣

寶澤卷為陳司訓題

考亭夫子小學書豈非大學之權輿脩齊治平不出此欲我小子佩服身心與之俱守拙老翁默契此手抄教子真良圖日用常行有根本後來二子皆名儒

此翁既沒不可見見此手澤當何如朝焉展之如當時之面命暮焉展之似前日之庭趨羹牆之見亦若此寒暑與具無斯湏百年自我敢廢隊芸香裏無蠹魚寶此手澤得所寶不寶明月與璠璣斯人即此見至孝無乃大舜之徒歟吁噫嘻古人陳迹弗復道且看今人積金萬萬與子何其愚奈何身後肉未冷遭此不肖蕩折而無餘何如此公羽善遺子子亦體親誠不孤父慈子孝兩相得足為後世後學之楷模

桂軒藁卷之二

桂軒藁卷之三

奉議大夫春坊右庶子兼翰林待講經筵講讀官廬陵王臣評
賜進士奉議大夫戶部郎中南溪劉忠評
奉議大夫江西按察司提學僉事莆田黃仲昭重評
賜進士江西南昌府進賢縣知縣門生吳璉編次
賜進士江西臨江府新淦縣知縣門生盧淵校刊
五言絕句

扇面山水二首

秋水棹歸船
風光興杳然
兩人相對語
語到伏羲前

又

次西涯韻

野景年年在山人日日閑過橋看活水不是愛潺湲

江行雜詠十首

長風送輕舸晚山飛翠浮
披篷待月上不減赤壁遊

又

江上幾日行柰此跋涉苦雲起先泊舟恐有暴風雨

又

山冥碧雲合秋初白鴈征幾多遊宦客徒有故園情

又

涼風吹我衣壯觀倚樓櫓沙水鷗群浴風檣燕雙舞

又

作客二十載扁舟西復東不因俯仰累誰肯任飄蓬

又

路長寄書少水涸歸舟遲漁子團樂樂焉知人別離

又

長江自朝夕落日照今古無酒長獨醒祇恐笑漁父

又

今朝江上路明日復何之踪跡已無定前程焉可期

又

山色已含暝葉聲新報秋廿年塵土客吟眺不勝愁

又

頻年走畏途輪蹄帶傾覆白首好歸休何必戀爵祿

五言律詩

題蓮塘書屋壁

騎馬訪蓮塘東風花草香
定如雲谷裡不是輞川莊
景好詩難狀心清俗易忘
主人如許我卜築近東牆

下第

敗將難言勇迂儒敢論文
高堂垂白髮寒足阻青雲
僮僕厭貧父文章咲命途
授衣時節近燈火又相親

王詩意大率反已全不歸咎主司其與古
人下第稱屈者異矣

貧士吟

乾坤雙草屐風雨一茅廬不恨瓶無粟空憐架有書
簾帷舊燕入門巷故交疎貧賤乃常理何須光範趨
到上饒

來尹上饒邑中心喜懼并有家慙肉食無術慰蒼生
靈鷲插天碧水溪逼渭清循良期遠到不是愛沽名
婁侍御召遊茶山寺

秋日遊山寺風烟入眼嘉主人羅綺席野衲敲茶灰

鳬鳥聯駝馬庭莎間菊花登臨有餘興歸路不嫌賒

起取口號

奉檄來饒邑捫心愧牧夫肥甘徒自養弱弊未能蘇
萬里趨

明詔三年起仕途勗哉自今始持此謝吾徒

宿彭城值雨寫懷

彭城經信宿風急雨霏上遠砌虫聲乱隔江人語稀
對床詩獨在戲馬事全非無限關心事挑燈讀楚詞

夏夜

入夜添衣坐炎天雨後涼教兒溫舊習呼婢換新湯

脫帽風吹髮開窓月到床興來聊短述還似少年狂

宿懷安察院閑書

霜甚剛一宿旅思正依依故國空相憶荒城未說歸
邊氓經歲歎胡馬入秋肥明日天城道嚴程詠載馳

中四句佳

客思


奔走雲中路淹留客邸秋此身千里外歸夢五更頭
朔吹凌衰髮清霜拂弊裘家書渾欲寄抵恐鴈沉浮
此詩平淡而有思致蓋駸駸乎望盛唐

矣

過滕茂實墓有感

宋工部侍郎為金人所留不

兄弟俱官宋拘留共在金浮沉奴婢態錢石丈夫心
朽骨人爭唾荒墳我獨尋千秋青史上芳臭不同襟



正當

公館漫興

上谷迴車轍淒涼午夜天觀風千里遠見月兩迴圓
離別尋常事奔趨二十年歸京多便使書劄若為傳
靈立道傍老樹

老樹數千尺風霜幾百年十圍堪大用寸朽為人捐
古幹凌雲外清陰散道邊躊躇因爾惜寄語廟堂賢

書大同公館壁

自古平城地山河百二重將軍休出塞胡虜正潛踪
戍士多艱食邊民亦廢農輪臺須有
詔西北甚疲癯

黃評詩意正當一時開邊生事者讀之寧不
惕然而有動於其中乎

臘月三日途中遣懷

歲暮思綿^上流光又一年乾坤將老客風雨上灘船
凍雀先春語梅花破臘妍旅愁應不減回首向南天
客夜

終夕頻燒燭長吟獨據床不因冬夜永只是客愁長
近郭聞雞唱推蓬愛月光家人亦思我江上望歸航

舟中口號二首

江水悠悠去青山衮衮來開尊自斟酌得句費敲推
淑氣回汀草春光泄野梅偶然忘客慮微醉獨徘徊

又

此歲亦云暮長途未泣窮雨淹孤客棹天助一帆風
皂閣暮雲外金川醉眼中百年皆逆旅隨處任飄蓬

富春舟中偶成三首

客舟快如馬又過富春亭我拜羊裘老誰占使者星

憑高雙眼闊夾水兩山青迢遞此風景還如昔所經

又

超程心似火隨寓跡如萍鬢髮旋添白江山不改育
船頭風獵獵鳥外雨冥冥消遣無酒漁人笑我醒

又

客路秋將暮雲山日未殘水枯迴棹澁家遠得書難
事少愁高卧年衰但強餐兼棧滄海上昨夜夢長安

舟中重陽寓懷二首

九日沙溪路舟中可當茱菊應無處覓酒亦不須賒
酩酊思陶令登臨愧孟嘉年年此奔走徒羨晚歸鴉

又

屈指重陽近誰邀把菊歡忽驚秋漸老轉覺雨添寒
秉燭看雄劍呼湯藥九病妻書昨得多是勸加餐
寄故園知已

江上多秋色天涯無故人不因會面少那得寄書頻
冷露屯殘菊西風老白蘋相思兼物色添得客愁新
蜀貞婦劉氏割股

西蜀朱家婦非邀割股名但知夫婿重翻視妾身
大義緣天性皇穹鑒此誠莫云便陳迹千古竹書榮
曉發進賢

月色留牆角晨光隱市樓山人方轉枕遊子已乘舟
鷄唱催晴旭林霏濕弊祿回頭看朝市應不似林丘
黃此詩讀之令人浩然有歸志蓋先導私
心之所同然者也

題小溪驛壁

迢遞小溪路相違又七春江山千里舊時事一番新
南粵年年分西風處處塵不須逢桀溺久客頗知津
過湖口

官船湖口路匆冗不登臨野寺懸危石人家隔遠林
雨餘山擁翠日落水浮金

善

描

愛此未能去

停撓付短吟

遊東林寺一首

天竺曾三到東林始一遊
匡廬不改色蓮社已成丘
山雨千溪漲松風六月秋
奇觀恐難尋詩為野僧留

黃註此詩前四句甚佳

九日客中感懷次大衆陳德脩韻

我來逢九日市酒不須賒
獨客感懷逢髮三年負菊花
山梨經雨落江柳挾風斜
欲此登高興無詩紀步

黃註中四句隱然有盛唐氣象

又

佳節客中至鄉閨望裡賒新筍酒應熟舊圃菊初花
霜壓草頭重風吹雨脚斜流光催我老五十年華

王評沉着

送內弟蔣時雍南歸四首

春闈三挾策京國五飛螢天意亦仁愛君才待老成
逢人休說命聞禮且趨庭去去莫遲馬倚門朝暮情

又

風骨非凡俗文章即大家酒杯消別恨往事付長嗟
夜雨粵山林多秋風蘄水艤到家重九月籬菊尚留花

又

水葛情逾密江山興更佳挑燈通夕話對酒十年懷
淺水淹歸梓霜風散宿霾壯年霄漢業咲我老形骸

又

半月聯舟楫終宵共咲談詩從高興發酒為故情酣
木落山逾瘦秋清水蔚藍天公知子意風送此歸帆
贛州分司夜坐

九月虔州煖問閤未授衣蚊雷猶夜鬧蟋蟀未人依
入饌秋蔬嫩輸官晚稻肥觀風今日事隨處采民詩
漫興

十載客他鄉逢入問草堂秋風松桂老春雨秫田荒

稚子慵書計山妻霽酒漿浮名更何用終日簿書忙

後九月九日

秋色將相暮開懷合舉觴百年雙短髮一歲兩重陽
往事已流水菊花猶晚香獨斟拚一醉不惜老年狂

零都道中遣懷四首

倦客路迢遞殘秋思寂寥風高摧木葉嵐重沒山椒
身寓江湖遠心馳

魏闕遙小詩渾漫興陶謝不須招

又

三秋孤客棹一水兩邊山近郭少佳木急流多險灘

徒誇青紫真不似白雲閑試看紫桑老焉知生計慳

又

烏府觀風客零都逆水舟恹禽啼落日頽石激湍流
去就非榮辱天人敢怨尤我生只如此蕭散未須憂

又

終日駕危楫何年脫畏途潔身固無義戀祿亦非夫
水縮沙堆出山寒石髮枯掩蓬坐深夜燈影照羈孤

會昌道中二首

過峽二三里舉頭千萬峰滴蓬江雨潤棲石濕雲濃
戀

主心徒切安民意未慵但慚才薄劣十郡正疲癯

又

客程多險隘岐路足風烟雲傍山腰宿舟從石罅穿
鄉心秋雨外歸目斷鴻邊未老須回首人生無百年

宿齊磨

一宿齊磨地孤村人閉門灘聲無日夜山色異朝昏
舳艫依沙泊莎鷗傍草喧旅遊滋味薄誰復勸加餐

黃鵠三四二句摹寫景物甚工

偶成

天柱宜辭綠山中擬結茅貴長思少賤富敢忘貧交

敏慧於時合迂疎被俗嘲匡何足問騎馬出江郊

和小溪驛原韻

再到小溪駟風光值小春雲歸山色暝水涵岸痕新
曠歲少家信污人多陌塵西江回畫鷁章貢是通津
宿礪溪寺

日晚投山寺僧稀地頗荒雨苔侵壞壁霜葉積迴廊
歸鳥認庭樹昏鍾出講堂從來愛幽僻一宿借禪床
歸隱然唐人四實家數

新喻道中二首

客路心長倦鄉園思恐拋暝鴉棲木末晴雨落松梢

岡古無龍卧泉清是虎跑宦途成底事只合粵山巢

又

驛路三春暮江城四月交柳花方結陣雛燕正離巢
危棧防泥滑羸羸怯嶺坳山中人最樂終日醉衡茅

登鬱孤臺次僉憲陳公夢祥韻

俯仰景何限登臨思不迷星河簷外落城郭望中低
堂靜吏初散臺高燕不棲簿書晚來暇素燭和留題

題畫次顧天錫韻

過雨千峯淨干霄萬木稠載歌碩人賦重詠小山幽
文棹傍紅蓼濯纓臨碧流嫌他塵俗汚不作五陵遊

五言排律

贈別少叅李德馨同年次世賞內翰韻

入奏黃金殿承

恩白玉京道亨逢運泰臣直際

君明方岳專隆寵才華副盛名勤勞懸衆望金紫豈
公榮三日洪都會雙旌楚水程筵開今鎮柱囊挾舊
青萍庭樹翻天籟簷鈴和雨聲西山朝氣爽南浦晚
寒輕敢負三生約叨逢四美并留連詩百韻傾倒夜
三更宴荔閩山美醇醪采石清主人將厚德客子乃
多情岐路分南北心懷若弟兄莫因今日別寒却舊

時盟

王評通暢不為原押所窘

謁岳王墓

忠義唯徇國英雄不愛生一心雪國耻百戰走金兵
兀术呼天哭雲燕唾手平青衣讐未復黃閣議垂成
江左乾坤窄君王社稷輕秦奸不足責張相乃無情
竟葬西湖骨誰懸北望晴不須論始末都付史官評

劉詩

秦奸張相一聯乃外小人責備君子衆所

未道

夜坐感懷四十韻書于彭城御史臺時甲辰

七月七日也

兩出皇華使重宣

聖主仁彭城方駐節柏府暫棲身
撩我月當午蒸人暑尚殷跼跼
一夜坐感慨百憂新起看星河動
尋驚木德迤正須雲漢續誰復便
宜陳錦繡公侯第難難嶺海濱天
驕仍北寇交趾更南隣郡邑飛芻
急

朝廷授鉞頻公門盡桃李大道半
荆榛內子長馱肉邊兵或脫巾留
連中使貢辛苦後夫嗔遠地聞遷賈
何時喜聘莘廟堂端有策與契不
無人奮激書生志艱危壯士顰青
雲曾毘勉白屋本酸辛忝遂登龍士
羞隨入幕賓幸叨三鼎祿敢謂一官
貧年到知非處

可欣載歌天保頌
跂足太平辰
德澤遠長吾人屈
又伸幸逢

堯在上坐見俗還淳

贊

長詩殺有警言句

永新譚節婦祠次姚大參韻

萬燒金不變九折水從東
慷慨譚家婦東南烈女雄
心肝懸白日貞烈照蒼空
斷臂略相似投崖差可同
潔身雙刃下沁血八軀中大節書青簡遺容托泮宮
碑文一片石人紀萬年功
背主空貽臭偷生總下厠
青雲留異影廟貌護神通
過客祠前拜香爐火正紅

浣靈為李方伯德馨題

一寸靈臺地其如衆欲攻問君䟽淪計自我日新功
空洞須涵養渾淪貴徹充敬哉中不慢誠矣偽難容
康誥陳明德丹書戒怠凶穢汚時蕩滌查滓日消融
雲散月當午塵消鑑自空經綸隨出入吾道倍英雄
由此基賢哲從茲贊化工本原君獨得岳牧業方隆
堯舜期

明主旬宣挽古風勗哉一終始勲業古人同

桂軒集卷之三

桂軒藁卷之四

奉議大夫奉議大夫戶部郎中南溪劉忠評
賜進士奉議大夫戶部郎中南溪劉忠評
奉議大夫江西按察司提學僉事莆田黃仲昭重評
賜進士江西南昌府進賢縣知縣門生吳璉編次
賜進士江西臨江府新淦縣知縣門生盧淵校刊
七言絕句

題畫四首

巖上白雲巖下泉樹陰濃罩小橋邊雖然眼底無多
景不換王家舊朝川

雲依草屋青山裡水遶孤村綠樹邊
好幾人投笏作神仙
愛此中風物

面面青山晚翠稠蕭蕭落木暮江流
山人獨愛秋來景翻笑當年宋玉愁

商於風景此依稀下盡仙翁一局棋
今日大明天子聖山中休訝是秦時

寄妻一齋病中

一別先生一月餘高齋卧病近何如
青囊不用參苓味自有中和養太虛

太公釣渭圖

屠釣歸來兩鬢霜逢人無復問行藏
非熊不入周王卜祗是終身老渭陽

送祁郎中致和出使朝鮮

九重

聖化今無外萬里梯航詎有涯
一自東周雅亡後使君今日繼皇華

慶壽圖為東莞黃先生賦

畫堂戲綵春風煖海屋添籌愛日長
而母而翁躋仁壽不知

堯舜在虞唐

代毛延壽辨

忍把蛾眉逐虜行
嫌他一咲解傾城
君王莫怨丹青手
不見吳娃生越兵

題扇面

黃鳥翩翩春日斜
野棠枝上占年華
秦宮花木俱零落
猶向東風喚子車

王猛

卧龍傳匹諒非難
只為他先識阿瞞
捫虱劇談天下事
不知江左有龍蟠

王昭君

玉顏無分住天家愁倚西風望翠華
萬里龍沙休恨遠長門宮裡即天涯

秋胡妻怨

五日糟糠妾別夫百年心事可曾孤
黃金買笑桑陰下不記堂前有阿姑

黃評

使秋胡得見此詩當愧死矣

諸葛瑾

擇所棲身大丈夫阿兄相蜀子歸吳
滔滔漢賊何須數大耳郎君認得無

過婁侍御山庄

屋對青山水挹村池魚溪鳥足盤桓
蘭臺御史更何

有幾箇松筠共歲寒

騎鯨圖

采石江頭醉月明
江流不似汨羅清
騎鯨天上成何事
千古清風說獨醒

次郭騰霄見訪二首

洛陽才子越南客
傾蓋尊前便合懽
別後仙舟無覓處
望窮雙眼海天寬

仙郎顧我駐星槎
好似王猷訪戴家
底事相逢皆惡客
晚風何處落烏紗

松鶴卷為劉太守題

半畝松陰覆草亭
數聲鶴唳徹秋冥
五侯池館多歌舞
不及君家此味清

題吳都閫梅花卷

十年別却春風面
今日將軍卷裏看
洗我緇塵三萬斛
斛水痕清淺月團團

贈文大尹次夏官濮用昭韻

滿城桑柘長春風
不數河陽一縣紅
莫道鴛鴦終枳棘
又看萬里共冥鴻

次陳存義送別韻

我輩江湖寄一枝
故園千里幸相思
海雲汀樹無窮處

思都在陳郎七字詩

次梅文淵韻

餞我頻煩御史驂
離盃重敘去年談
宛陵詩句凌冰雪
滿載寒光到粵南

次前韻答僧夢天瑞

惠休留我少停驂
涼雨清罇半日談
欲向東林結詩社
不堪歸思滿江南



自然

感事次江伯溫韻

昨泛星槎歸粵南
十年時事頗能諳
自後韓范歸廊廟
邊幅何人負重擔

展墓次楊景昌韻

薄宦羈人不自由十年湖海負松楸幸叨五鼎慚終
養三復夢裁空淚流

戲題

橫浦亭前遇故人謾將歌舞送行塵四風一曲非桃
柳高髻雲鬟也逼真

山庄戲書贈人

一曲嬌歌抵萬錢銀燈影裡看嬋娟山庄不是司空
宅留得韋郎一夜眠

題扇

三尺絲綸一葉舫鉤璜功業等鴻毛傍觀莫訝風濤險猶有人間咲裏刀

留別黃敦實大尹次江伯溫太守韻二首

天書初起魯公駟潔白真無暮夜慚懷玉冰溪千古意清高應共使君三

玉節輝輝駕使驂不才無補我深慚明朝把手與君別怕聽陽關又疊三

七月十四日謁

皇陵次許公濟韻

我謁

皇陵四度來昌平駐馬重徘徊車書萬里通夷夏猶憶

先皇翦草萊

墨牡丹為翼文華題

百卉千葩讓此花一枝濃艷受風斜洛中春去堯夫
老從此風光屬翼家

送區世昌下第二首

策馬崇文送故人眼前時事莫重陳南行且勸加餐
飯上苑年年自有春

去歲春風嗟落第今年秋暮始還家待君挾策重來

日騎馬長安看杏花

贈文華乃弟

我愛君家好弟兄
荆花棠棣古人情
對床風雨連宵話
重賦池塘春草生

過沛有感

官舫重經舊沛豐
尋思劉項亦英雄
斬蛇戲馬今安在
剩水殘山感慨中

桃源圖二首為周惟中賦

憶自秦人相趙高
桃花源裡避英豪
天王一統今明聖
那得山人學種桃

避地移家不記時
碧桃流水自幽居
衣冠舊物今餘幾
藏得先秦數卷書

題張東海慶雲庄壁

東海先生費寵招
慶雲庄上酒千瓢
飲餘落日終分手
醉倚扁舟趁晚潮

過吳源深祠有感

弋陽縣令幾番更
借問循良孰稱情
三十年来遺愛在
邑人香火拜先生

客中長至感懷二首

去年長至客通州
盃酒妻孥共唱酬
今日旅途又長至

至滿江風雨一孤舟

匆匆時節逼年光客子愁隨至日長遙憶故園今把
酒家人應說在西江

題孟太守景賢菊圖三絕

太守堂中無俗物壁間惟寫菊花圖寒香足稱君清
白暮夜黃金肯換無

鯉魚風起菊初花三度重陽不在家今日郡齋看不
厭滿圖佳色問君賒

浥露黃英泛紫霞兒童勸我謾呼爺五千里外相思
切今日披圖看菊花

遊惠山寺次秦方伯韻

松風閣上看山色第二泉頭覓水源登眺每逢奇絕處欲將身世謝塵喧

過梅關

浪說梅關便有梅我來應不見梅開馬前孤負尋梅興縱有好詩何處裁

四皓園碁圖

對奕商山已許時沉吟當局笑無遺如何悞下安劉著人魏宮中泣懦兒

蔡琰歸漢圖

遠嫁胡沙過十秋。哀絃彈怨不彈羞。詩書徒繼中郎業。掩卷何顏看栢舟。

書

有關世教不獨造意之新而已

張子房

都將隆準作寬仁。獨悟斯人竟少恩。况復主家雙雪拂。衣來叩赤松門。

陶元亮

莫道先生只任真。平生出處卧龍人。門前五柳自春色。却咲延年作宋臣。

約軒為余進士題

半畝清軒絕俗埃聖賢規度日徘徊時時點檢吾門
戶蠹賊何由得入來

落魄江湖唐杜牧縱情詩酒晉嵇康吾兄正尔希賢
哲竟日從容禮法場

花山

在懷來衛西北三十里春夏花盛開

紅白繽紛草樹斑路人遙指是花山誰知紫塞黃沙
裏亦有春風著玉顏

燈下閑書

羈客幽州空有夢病妻燕市亦無書試將急景從頭
數旅邸風霜五月餘

漫興

屈指流年四十過
髮毛纔白兩三科
邊城幾月風霜苦
把鏡朝看白更多

題宣府十五鋪壁二絕

使節煌煌過北平
無端春色滿邊城
胡兒遠遁三千
里開殺中原百萬兵

三邊將相皆韓范
萬里狼烟盡息紅
回首鳳池趨闕地
愧無三策賀平戎

望夏屋山

在代州東三十里

夏屋崔嵬四面開
攢青飛翠望中回
何人當日操

銅斗曾向山中滅代來

玉屏山

在蔚州西北六十里金李純甫自號玉屏山主

騎馬玉屏山下過萬松交翠鳥爭呼石橋水洞今猶在借問主人還有無

曉出廣靈

寒蕪滿地北風尖撲面霜威折短髯佳馬欲尋沽酒店荒山何處覓青帘

次莊定山韻二首一以憶定山先生一以贈用美寅長

春風庭草上青袍雙眼乾坤見此豪笑我浮名成底

事黃鹿回首定山高

黃部

此詩氣勢峭拔足與定山爭高

特立青霄多繡袍將軍膽落舊英豪先生風裁知何
似合與靈山相並高

國朝 豪宕有氣

為尹揮使題馬圖

雲錦成羣大宛來天閑十二盡龍媒將軍曾得
君王賜百戰沙場斬虜迴

戲題女兒港

此港何年喚女兒冰霜肌肉遠山眉小姑娘嫁作彭郎
婦誓不相從作賤姬

閨情十絕次金誠之先生韻

山茶開後又聞鶯一種相思淚欲傾萬里遼陽書不到憑誰傳語此衷情

良人如玉映冰壺何事年年在遠途為國防秋青海去不如庭樹兩棲鳥

久戍天山著鐵衣朔風獵獵雪霏霏昨來聞下輪臺詔知是夫君不日歸

黃葉秋風思渺漫為郎惆悵怕郎寒殷勤好寄邊衣去逢首無心對鏡寫

回中音信愁難寄夢裡歡娛恨不成紡績歌來空伏

枕一春機杼不聞聲

天末涼生大火流
潞紅庭綠不禁秋
十年客子遊何處
不念閨中人獨愁

願君麟閣姓名香
敢怨離居歲月長
粧束不隨時俗改
十年猶著嫁衣裳

妾為濁水君清塵
厭舊從來便喜新
不是相如真薄倖
文君何用苦眉顰

昨日風流今日愁
別來十見月如鉤
出門即是天涯路
何況區區風馬牛

朝來庭樹鵲聲頻
千里書回墨尚新
約我歸期三月

半石榴花發待行人

閨情復次前韻

錦帳春眠怯曉鶯萬千心事向誰傾
題絨不寫崔徽像只恐狂夫是薄情

憶別臨歧醉玉壺
喙郎珍重太行途
十年一枕懽娛夢驚覺生憎午夜烏

悄悄輕寒未減衣
梨花庭院雨霏霏
落紅滿地春將暮
人在天涯尚未歸

萬花時節恨淋漓
況是孤衾怯夜寒
獨對銀燈誰是伴
更嫌羅帳綉雙鴛

春困無心撥玉箏，縱然強撥調難成。
朝來且共鴛鴦睡，鳥好向遊人啼一聲。

卽如江水不回流，妾似貞松却耐秋。
萬里關山懸妾念，十年飄泊爲郎愁。

詞譜

此詩怨而不失其正，有風詩遺意。

象床鴛鴦被，鬱金香人去。
天涯妾夢長，聞說狂夫有書信。
起來顛倒著衣裳。

見說良人靖虜塵，寶刀猶帶血痕新。
歸來定佩封侯印，免妾長顰復短顰。

束髮年時不解愁，學人拜月上簾鉤。
如今始識相思苦，幾度傷心看斗牛。

別君長久憶君頻錦字封題與恨新萬里開緘如見
妾料君不是薄情人

寄妻父蔣先生四首

霍亭老子真堪樂屈指明年又古稀百事不求溫飽
外諸孫調笑日牽衣

養霍亭前醉復醒鬢毛都白眼青青喜公萬事從來
足何事區區半子情

十霜不見好容顏知是年來服大還更喜鳳毛歸日
下俱存堂上舞爛斑

千里頻頻天素來燈前兒女好懷開明年願與歸時

候匹馬衝寒正放梅

扇面山水

白雲長護碧崆峒石上忘情坐兩翁看到滄桑今幾
變不知人世有夔龍

吉守顧天錫乃兄會于吉貳守柳邦用以寧
知風雨夜復此對床眠一聯為題送之余亦
賦十絕以見意

難弟難兄喜合併一門清白兩專城功名端不饒王
霸蕭散何曾讓管寧

生憎煮豆歌聲苦誰信分荆骨肉離不似君家賢伯

仲百年友愛幾人知

袁州太守老文翁
阿弟循良十郡雄
誰謂當時吳仕燮
獨令千古仰高風

兄在東吳弟官楚
十年契闊此相聚
對語休疑是夢
中青燈寒照虛堂雨

兄弟聲名萬金價
阿兄既見弟心瀉
寒更恨短話偏
長恍疑風雨彭城夜

贈君珠玉三百幅
飲君美酒數十斛
渭城之唱君莫
聽棠棣之詩我三復

十年不煖姜肱被
邂逅墳塋奏商徵
何物堪擬別情

長文水悠悠亦如此

吳雲楚樹幾增慨相思咫尺如越代春風并續池草
詩日夕開樽且相對

弟勸兄酬累十觴陽關聲裡又斜陽天涯此會知何
日夜雨寒燈憶對床

春暮還家買楚船離筵重賦鵲鴝鶯欲知兄弟相思
處兩地看雲各自眠

蘭竹圖為楊景昌題

萬紫千紅總俗粧更嫌桃李種河陽幽香勁節真奇
絕移伴東流蔽芾棠

蒲萄二首為同寅陳吉夫題

馬乳何年別貝丘
草龍珠帳陰高秋
荔枝盧橘休相笑
曾換劉家博望侯

漢使曾持此種歸
柔條縈結萬珠璣
尋常百果俱風

靡誰道涼州換酒甕

楊萬里先生有涼州換酒不勝痴之句故此云

春草圖

不為王孫日喚愁
謾將書帶伴牙籌
無端生意同吾意
或恐伊人又姓周

題畫四首

凌烟高閣逼崔嵬
蕪沒千年不再開
何似溪山長不

改小舟時載月明來

次顧袁州韻

平泉金谷何曾到蹶項亡秦了不知閉戶讀書忘歲月遊山觀瀑且相期

半畝山堂陰老松青螺疊嶂作屏風此中久住忘名姓准擬人呼避俗翁
水白山青逸興孤扁舟此老鹿門徒滿江風月用不盡何必君王乞鑑湖

睡起

一雨行臺酷暑消涼回衾簟睡偏饒無端一枕鄉山夢曾到春風碧水橋

擬唐人四時宮詞二十首次官汝清韻

一春翠輦不曾過
敢恨青娥皓齒歌
丹鳳不傳天上信
九重安否近如何

開遍酴醿滿院香
宮監催我踏春陽
重門深鎖無行處
閑看宮鶯過禁牆

十度春風老翠娥
君恩不似舊時多
海棠花下燒銀燭
照見金車別院過

寂寥柘館遶宮牆
輦路經春草色芳
見說良家進傾國
仍聞方士訪華陽

昨夜東風入建章
越羅初試漢宮粧
可憐春困多消

瘦羞向君王乞藥方

右春詞

清陰如幄雨梅肥長日深宮賦綠衣約伴納涼亭上
去生憎雙蝶傍簾飛

避暑宮中納午涼篆炷風裊博山香宮前楊柳更含
雨宮後葵花空向陽

玉堦辭後隔闌山鏡裡流光似轉環又是困人時節
至龍盤慵整鳳笙閑

見說君王在雪宮南風一曲徹遙空更將無逸消長
日不管相如賦最工

黃

詞不迫而意已
至得無練休

四月時光過柳花玉容隨分度年華長門一樣閑風
景猶勝明妃別漢家

黃評

安分而不充人有
小星詩人風致

右夏詞

一聲新鴈送清秋金屋涼生酷暑收鳩鵲樓頭今七
夕欲將心事問牽牛

青娥曾侍內家筵少別鴈興思萬千况復西風無限
恨鏡中衰颯不如前

一夕涼風入紫青偶逢搖落又心驚未央夙夜頻來
往起抱衾裯看啓明

楓葉凝丹辨秋西風吹送滿宮愁御溝不禁東流

水好附題紅作箋脩

滿地霜風鴈半沉上陽宮裏杳無音詞臣縱有相如
在那得囊中換賦金

右秋詞

冬至陽生煖尚遲且燒沉火熨羅帷欲題團扇慵呵
筆袖手沉吟誰得知

金屋寒多戀錦衾別來長憶寵恩深從頭試看雙釵
股猶是君玉舊賜金

冬來初賜辟寒香更向君王覓繡囊昨夜宮前深足
雪梅花誰試壽陽粧

細骨輕軀不耐寒陽回天上漸冬闌
椒房舊日流蘇煖不道于今翠被單

長信宮前暮雪封羅帷密護錦重
夢中忽見君王面驚覺一聲長樂鍾

右冬詞

復次前韻十二首

秋風二十四迴過和得班家舊扇歌
倚柱尋思真薄命長門無賦復如何

夜長燒盡百蘊香謾聽鍾聲出景陽
侍女莫談天上事有人屬耳在蕭牆

隱隱車聲度苑牆
官家何處謾尋芳
離宮三十都遊遍
又擬明朝幸壽陽

爭得東風病骨肥
帶圍初減不勝衣
身輕不及啣泥燕
時向昭陽殿裏飛

風透交疏午夢涼
君王何事不分香
廟堂別有非熊卜
昨日龍旗獵渭陽

玉臂猶封舊守宮
鵲輿消息一番空
綉床徙倚無寥賴
強刺花枝幾線工

寶髻慵簪石竹花
溫泉分得洗鉛華
舞衫歌扇都拋卻
擬向君前請出家

西風無地不傷秋
諼草翻堦不療愁
欲藉鱗鴻通尺素
可能令夕見靈脩

寶幄璫樓玳瑁筵
一身曾擬當三千
如今別卻昭陽伴
敢道君恩不及前

水咽銅龍畫漏沉
白華三復想遺音
主恩難報惟深省
衆口從來鮮爍金

留得雙龍舊綉衾
恩光不照妾愁深
誰人侍寢昭陽殿
一刻春宵抵萬金

自悼詞成不待封
閑情幽思萬千重
青春肯為紅顏駐
轉眼風光又夾鍾

宮詞次邵汝學韻八首

咫尺長門限玉墀春風輦路長苔衣花邊日落簾櫳
暮閑看雙燕歸

詞意

詞氣從容而幽怨之意自見於言外

盡日深宮不捲簾玉顏何用闢春妍君王賸有關
化枉費長門買賦錢

羅幙風驚午夢回金車何處隱如雷起來顛倒衣裳
甚只恐君王更一來

夙抱衾裯分所宜深宮何敢怨春遲東風自是無私
物開到棠梨第幾枝

翟衣初賜帶天香隆寵難酬襪線長補得山龍新御

袞十年針黹敢辭忙

黹音指

十載端居禁御深玉顏虛擲此光陰君前未獻鷄鳴
什負妾平生犬馬心

盛衰顏色卽炎涼羞作當時半面粧飢火靜消心似
水平陽歌舞任他忙

晚涼無伴獨登臺望斷羊車不一來不是君王不相
顧賈生前席正徘徊

十二月詞十二首復次官汝清韻

人日宮中最喜晴玉肌寒怯尚重綾霎時又是元宵
節臺諫何人論買燈

王評善諷諫

報道中和節又來東風新燕舊亭臺
妾顏不似去年好羞見百花紅白開

春困撩人睡起遲玉釵斜墜綠雲
欹海棠開後廉纖雨又是清明賜火時

南薰別殿綠陰濃浴佛香湯賜六宮
太液池邊隨步輦白蓮花吐石榴紅

五月宮中日最長天中節近浴蘭湯
君王不用青銅鏡惟恨當年一鑑亡

金屋炎炎溽暑深溫泉新水浴檀沉
那知玉趾簾帷外不賜當年百餅金

桐葉初飄大火流待看織女會牽牛傍人不識懷心
苦纔過傷春又到秋

看看秋色此平分何處笙歌入夜聞獨有多情端正
月年年依舊到長門

君王初授六宮衣又近登臨九日期菊酒醅顏花挿
髻免教時節笑人癡

滿眼風光又小春却寒簾底煖如溫年年十月華清
幸知是誰先被主恩

小至初臨生一陽履長納慶祝君王從今日永知何
用刺繡功添一線長

一陽來復二陽回更喜宮中臆日來莫漫藏閫論勝
負祝君先進御前盃

右宮詞五十二首俱次官邵二公韻藏於巾
篋中以備遺忘明年夏領部檄催督東南滯
賦舟中稍暇取而讀之頗有一二可者遂續
述焉又得五十四首名曰宮詞百詠然多漢
唐故事無乃發一時之興為取笑之資非敢
有所羨刺於其中也觀者幸改教焉

庭堦曾不挿鹽枝數被隣宮笑妾痴不是妾心慵望
幸君王同輦有蛾眉

着破當年舊舞衫此情欲說怕宮監承恩莫羨昭陽
女寵極寧無掩鼻讒

雪打交疏閉翠帷三邊正是裂膚時君王軫念燉煌
卒為作征袍妾不辭

羞隨阿姊鬪濃纖記得關雎每口占不是君王崇令
德如何金屋貯無鹽

重門金鑰守閨闈賤妾持身敢解嚴聖主齊家法三
代不教皇后謾垂簾

太液荷花照水妍伴人歌舞上龍船自憐不及越溪
女歲歲蘭橈約采蓮

一食何敢忘君恩團扇秋風舊宮中塵欲問溫柔鄉裏
事宮中無復淖夫人

金屏霜冷又冬交轉眼陽回豆蔻稍甘分獨眠紈扇
底羨他雙燕玉樓巢

驪山十月翠華臨百隊紅粧綉幄深恩幸宮中誰第
一辟寒新賜阿環金

內人相慶拜新除近詔仍教注起居便殿日長宣奏
事中官催喚女尚書

秋水精神窈窕容肯將鉛粉閑織穠十年不識君王
面爭得黃金賄畫工

雙蛾憔悴逐年華
繫臂猶留舊絳紗
記得昭陽蒙寵日
玉顏誰道不如鴉

寂靜長門盡日封
傍人教妾強為容
不知寵辱都由命
祇合深宮詠菲葑

薄劣深慚荷寵光
宮庭夜夜拜穹蒼
手拈龍掛無他祝
但願君王萬壽長

君王恩幸不曾踈
肺病教含白玉魚
賤妾消埃何以報
御前三上漸臺書

風景昭臺分外清
眼前寵辱未須驚
阿嬌傾國今安在
金屋無人空月明

錦帳銀屏白玉床十年供奉老披香鉛華且莫輕拋
卻萬一君恩廣末光

鈎心宮中降誕時却將堯母命門楣天顏有喜恩偏
重更把金錢賜洗兒

色衰時去兩相遭猶有君恩在賜袍誰道秋風能再
熱却教絛弱不辭勞

春來心緒亂如麻恨紫愁紅滿眼賒鳳駕不來春又
晚東風零落海棠花

日長金殿暑方炎侍女搖風午夢甜起傍玉闌干外
立一聲風鎖落前簷

一枕西風候鴈哀
新涼庭院獨徘徊
窓前一片梧桐月
曾照羊車幾度來

聞道君王此夜過
籠燈掃雪候鵞車
須臾聽得宮監報
竟幸元勳趙普家

春回金殿轉晴光
白玉橋邊御柳長
底事傷春饒午睡
夢隨蝴蝶到昭陽

失寵能忘得寵初
妾心安用泣前魚
衰榮自古何曾定
班趙從來不與俱

綉罷龍衣出院遲
玉階閑坐話當時
官家久遠傾城色
莫更臨鵞邊畫眉

約伴宜春閨草來茸淺碧
越弓鞋並頭折得真堪
惱且酌黃封一暢懷

君情妾意各西東濁水清塵迥不同
借問承恩環燕輦
槿花能得幾朝紅

春色薰人睡正酣醒來閑步弄宜男
雕籠謾有能言鳥
五利文成莫浪談

紫禁秋風十又三芙蓉花老落氍毹
妾容與此同消歇
如此長門已分甘

夕卸殘粧落燕釵清風淨洗此天街
人都席地拜新月
妾獨開簾看泰階

妾身何幸際唐虞更賀皇威盡海隅況復遶庭皆衛
霍免教妾輩嫁單于

玉墀回首隔雲泥舊賜惟餘辟暑犀水簾銀床成底
事涼風吹夢鳳樓西

一世憂勤妾亦勞更聞西域進奇毛近臣誰是姬公
輩復向君前賦旅獒

永巷頻年脫步搖勸王多難莫征遼東南民困財仍
竭西北兵罷將亦驕

二八蛾眉侍上皇太平親見此陶唐五風十雨天顏
喜猶召廷臣累諫章

風雨深宮即杜門尋思時事百千端朝陽只恐無鳴
鳳不是君王薄諫官

黃評結句蓋從唐人中原未必無麟鳳自是
皇家結網踈二句變化來句法畧相似而意
迥殊得詩家脫胎換骨之法

君恩自是如天濶妾命生來似葉輕暑去寒來顏色
改謾題紈扇寄幽情

蹴罷秋千髻脚垂一春心事竟差池玉肌近日渾偷
瘦倩得中官喚女醫

宮娃白髮兩盤桓共說先朝事幾般記得相公楊綰

在太平民物似真觀

銀漢迢迢夜未央清光不照合歡床
昭陽殿裏嫌更短長信宮中苦漏長

自知妾貌殊今昔不是君心有愛憎
尚想年時恩幸倍內園同輦妾親曾

金屋珠簾翡翠屏此生不道悞娉婷
君恩下及誰之賜欲效周人詠小星

不見乘輿幸集靈未央前殿敝雲屏
中官傳得君王旨竟召儒臣講六經

梨雲夢裡聽喧呼急起蒼髯問女奴
今日昭陽呈戲

劇君王曾怒偃師無

不出深宮半月餘苔痕將綠上階除呼奴分付休輕踐留得青_々殿屬車

憶昨朱顏入漢宮曾將絃管侍重瞳如今拋擲長門裏細雨寒燈泣夜虫

永巷秋風老妾容主恩何處著人濃明妃莫恨龍沙遠對面宮牆即萬重

心緒紛紜懶出門出門何處望金根鵲絃欲撥無愁曲只恐愁多更斷魂

憶得年時二七春金宮一日歲華深妾身元是杭州

女曾把中官寄餅金

一飯深宮爲主憂秋風時節獻功裘如何近日承恩者阿姊封秦弟拜侯

掖庭秋夜苦偏長燕寢遙焚一炷香離別人間莫惆悵下堂無語看參商

小殿寒消又見春內園花柳色勻勻君恩亦有陽和意何恨宮中未幸人

懶把雙鬟綰綠雲北風衾枕且濃薰碎寒金賜昭陽女肯許餘恩妾半分

皇朝

詞苑而正事核而理得王建百有四篇

之家法也

書江地官宮詞後

楊鏤崔先生嘗曰宮詞乃詩家之大香奩也非有
春坊才情者不能豈容村學究語耶觀地官負外
郎江桂軒先生所撰宮詞雖拘押韻若不經意者
多婉而切深而顯得非春坊才情不可也以公事
至松晚過予慶雲莊出而讀之若與唐宋元人角
長未許孰為後先敬羨不已遂跋而歸之

成化甲辰八月二十日南安歸老東海翁張弼跋

過嚴先生祠堂

歸去桐江覓釣舟百年經濟亞伊周故人脫解如湯武誰謂先生不肯留

讀詩古今論子陵者紛紛不決近聞陳白沙之論頗與此詩合竊意使子陵見之未必不感嘆以為知己也

扇面山水次東陵韻

細雨空濛津樹合小橋迢遞水烟通春風杖屨尋詩客不在孤山定郊中

桂軒彙卷之四